

2
94.66
國學小叢書

范曄與其後漢書

戴蕃豫著



著作者 戴蕃豫
主編者 王雲五

國學
叢書

范曄與其後漢書

商務印書館發行

目次

緒引

傳略

附家系

范氏家學

資材

體製

附表

史法

作意

釋例

編次

文章

得失

附益

流傳

中土

東裔

西域

目次

范曄與其後漢書

二

與諸書之比較

東觀漢記

華嶠後漢書

袁宏後漢紀

陳壽三國志

附表

唐時傳本

顏師古所見本 章懷所據本 章懷所見不知名本 章懷注所謂或本、一本、流俗本、諸本、誤本 劉子玄所謂范書誤本 羣書治要所據本 唐寫本類書略出籙金所據本景印唐寫本翰苑第卅所據本

宋附宋刊元修本。元、明、清、民國刊本

附一、高麗刊本 日本刊本

附二、宋刊類書所據本

附三、宋百衲本優於清官本處

附四、明汲古閣本注多於清官本處

附五、清官本優於汲古閣本處

論諸家注

論章懷注

始末

注者事歷

草懷注不出一手

注例

宋以來著作概略

餘論——治後漢書之資材

范曄與其後漢書

緒引


范蔚宗氏後漢書體製博大，用物精多，固已奮飛諸家之後，上躋馬班之蹤矣。宋人吹求，或訾其文，或謗其人，直齋書錄解題，後漢書九十卷，宋太子詹事順陽范蔚宗撰，……其自視甚不薄，……至於論後有贊，尤自以爲傑思，殆無一字虛設，自今觀之，幾於贊矣。容齋隨筆，曄之夸詡，……至以爲過班固，固豈可過哉，曄所著了無可取。困學紀聞，翟公異謂范蔚宗書冗陋，別作東漢通史……聞見後錄，神宗惡後漢書范曄始名，欲改修之，求東觀漢記，久之不得，後高麗以其本付醫官來上，神宗已厭代矣。案范氏千古良史，宋人率意詆毀，譬猶蚍蜉撼樹，不足辨也。其范氏操行，宋書之誣，清人所作申范篇已辨之矣。斯末學膚受，無損高明。梁時舊注，世罕傳本，今所存者，劉昭司馬彪續志爾，劉注見譏史通，有吐核之譬，觀其所爲，蕪繁實多，其依附范書而存者幸也。爰逮有唐，高宗御宇，章懷太子賢，以儲副之重，監國餘吳，篤好斯文，迺命集賢諸儒張大安，劉訥言，格一作革。希元，許叔牙，成元一，史藏諸，周寶寧之儔共注之，事見兩唐書章懷太子傳。然書成衆手，地理多誤，迹其所就，既不能如顏師古之解漢書，專稽訓詁，又不能如裴松之之注陳志，增補史事，似欲兼採，而徘徊二者之間，靡所適

從，論者以爲美猶有憾，非虛語也。及乎清世，考據之學，超軼前古，學者紆其治經緒餘，以考訂諸史，或發憤於一二史以窮其年命，故所弋獲，視前代爲多，如沈欽韓之兩漢疏證，惠定宇之後漢書補注，斯學之最著者也。清之季年，長沙王益吾氏始彙集古說，爲之集解，縣歷七載，僅迺克成，其弟子黃山柳從辰諸氏頗爲校補，用力甚勤，寢寢乎度越乃師矣。顧竊怪王氏博探通人之說，而定其取舍，若高郵王念孫氏，前乎王氏者也，其讀書雜誌既已採入前書補注矣，其志餘全卷，後書曾不採其片言，會稽李慈銘，與王氏同時者也，前書既載其說矣，後書絕不道及，儻所謂遭亂避地，聚書滋難者歟？據越縵堂日記，李氏於清季嘗輯後漢書集解若干卷，今其本不可見，尙沉滯於天壤耶？抑已隨哲人而俱萎乎？惜乎！以李氏之博洽，不然，斯有倫有脊者也！晚有張氏，名森楷，字石親，四川合州人，湘潭王闓運弟子。校勘范史氏有廿四史校勘記一百卷，越十四年始成書，羅叔言傳沅叔諸通人並見之。無人贊斂，沉晦弗顯，羅氏嘗欲爲刊行，倏而張氏謝世，又不果，稿本現在成都。天難方殷，喪亂未已，故書正記，日漸淪胥，懼我古先民之遺緒，遽隕墜也，爰據所聞，次爲茲篇，匪云述作，聊安予誦讀之心云爾。

傳 略 附家系

范曄字蔚宗，順陽山陰人，父泰，宋車騎將軍，蔚宗其季子也。生於晉安帝隆安二年戊戌，小字博，出繼從伯弘之，襲封武興縣五等侯。少好學，博涉經史，善爲文章，能隸書，曉音律，晉安帝義熙十年甲寅，年十七，州辟主簿，不就，爲宋高祖相國掾，彭城王義康冠軍參軍，宋受禪，宋武帝永初元年庚申，年二十三。隨府轉右軍參軍，入補兵部員外郎，出爲荊州別駕從事史。父憂去職，泰卒於元嘉五年秋八月壬戌，時年三十一歲。服闋，爲檀道濟征南司馬，領新蔡太守，尋爲司徒從事中郎，遷尙書吏部郎。初，文帝元嘉元年冬，彭城太妃薨，將葬祖夕，故僚並集其府，曄弟廣淵時爲司徒祭酒，其日在直，曄與司徒左西屬王深宿，廣淵許夜中酣飲，開北牖聽挽歌爲樂，左遷宣城太守，不得志，乃刪衆家後漢書爲一家之作，時年二十七也。十六年嫡母憂時年三十八。服闋，爲始興王濬後軍長史，領南下邳太守，尋遷左衛將軍太子詹事。二十二年與孔熙先等謀立彭城王義康，事泄，十二月乙未棄市，時年四十八。有集十五卷，後漢書僅成十紀八十列傳，而志闕焉。初，曄令謝儼撰志，未成而蔚宗伏誅，儼悉蠟以覆車云。

附家系



范氏家學

禹域學術，有二特色焉，先秦以前，書籍多未著竹帛，師弟承業，口耳傳授，是曰師承，如史漢儒林傳所著錄，經典釋文敘錄所綴繫者是也。世代傳習，父子相繼，其始也約，其後也豐，是曰家學，若譚遷彪固之於史漢，向歆父子之於七略是也。中古以還，流風未沫，稽覽史傳，燦然可考，范氏家學，肇自晉世，及乎蔚宗，始集大成，所作後書，雖曰上本諸家，杼軸予懷，將覈而爲論，則亦其先澤之所需被，流風之所溉洽，有以致然也。試徵之於書傳，則蔚宗曾祖父汪以名理稱。

汪少孤貧，六歲過江依外家新野庾氏，荊州刺史王澄見而奇之曰，興范族者，必是子也，年十二喪母，居喪盡禮，親隣哀之，及長好學，外氏家貧，無以資給，汪乃廬於園中，布衣蔬食，然薪寫書，寫畢誦讀亦徧，遂博學多通，善談名理。晉書范汪傳。

王父霽以經學顯

霽字武子，少篤學，多所通覽，……時以虛浮相扇，儒雅日替，霽以其源始於王弼何晏，二人之罪，浮於桀紂，乃著論……。（桓）溫薨之後，始解褐爲餘杭令，在縣興學校，養生徒，絜己修禮，志行之士，莫不宗之，暮年之後，風化大行，自中興以來，崇學敦教，未有如霽者也。……頃之徵拜中書侍郎，……時更營新廟，博求辟雍明堂之制，霽據經傳奏上，

皆有典證，……既免官，家於丹陽，猶勤經學，終年不輟，年六十三卒於家。初，曄以春秋穀梁氏未有善釋，遂沉思積年，爲之集解，其義精審，爲世所重。晉書范曄傳。

案穀梁注，自序，闢左氏以鬻拳兵諫爲愛君，又公喪中納幣爲用禮，穀梁以衛輒拒父爲尊者也，蓋穀梁一書，晚出於漢，因得監省左氏公羊之違畔而正之，晁說之謂其精深遠大，直得子夏之傳，而曄又因諸儒而博辨之，以申穀梁之志，於是非亦稍公矣，三傳之學，穀梁所得最多，諸家之解，范曄之論最善，誠以其能悟穀梁之非，非若杜元凱之申傳，汲汲然不敢異同者比也。

……鄭玄括囊大典，網羅衆家，刪裁繁誣，清官本作蕪。刊改漏失，自是學者略知所歸，王父豫章君考先儒經訓，而長於玄，常以爲仲尼之門，不能過也。及傳授生徒，並專以鄭氏家法云。後漢書鄭玄傳論。

從父啓以才藝著

范堅字子常，博學善屬文，……子啓，字榮期，雖經學不及堅而以才藝顯於當世，於時清談之士庾龢、韓伯、袁宏等並相知友，……父子並有文筆傳於世。晉書本傳。

從伯弘之以典禮聞。

弘之字長文，安北將軍汪之孫也，……雅正好學，以儒術該明，爲太學博士。晉書儒林傳，據傳

知弘之長於典禮。

父泰以文章鳴。

范泰字伯倫，博覽篇籍，好爲文章，愛獎後生，孜孜無倦，撰古今善言二十四篇，及文集傳於世，……少子廣淵善屬文。宋書及南史並有傳。

曄則賈當仁之勇，居積薪之勢也。昔四班流譽於雒京，三葛飛聲於季漢，二陸颺芬於典午，諸謝擢藻於江介，豈若范氏，一門之內，揖揖翼翼乎？斯實文章之林府，禮樂之淵藪，南都之楷樞，吳越之菁英，若乃論次史傳，品藻人物。

後漢書黃憲傳論曰：黃憲言論風旨，無所傳聞，然士君子見之者，靡不深服，遠去疵吝，將以道周性全，無德而稱乎？余曾祖穆侯（范汪），以爲憲隕然其處順，淵乎其似道，深淺莫臻其分，清濁未議其方，若及門於孔氏，其殆庶乎？故嘗著論云。

又逸民傳高鳳論：先大夫宣侯（范泰）嘗以講道餘隙，寓乎逸士之篇，至高文通傳，輟而有感，以爲隱者也，因著其行事而論之曰，古者隱逸，其風尙矣，潁陽洗耳，恥聞禪讓，孤竹長飢，羞食周粟，或高棲以違行，或疾物以矯情，雖軌迹異區，其去就一也。若伊人者，志陵青雲之上，身晦泥污之下，心名且猶不顯，況怨累之爲哉！與夫委體淵沙，鳴弦揆日者，不其遠乎？

白曾祖穆侯，曰先大夫宣侯者，是又與子長之稱太史公，孟堅之稱先掾，同一風概，足明其家

范曄與其後漢書

學之所自也。

資材

范書體大精思，嗣晉馬班，其所資憑，良亦多矣，夫泰岱之高，由於丘垤，溟渤之大，由於濫觴，蓋積微以至著也。常後書未成之時，則亦若干妍歎互見之札疏耳，比范氏化榛棘爲杞梓，易腐臭以神奇，然後蔚爲天下之壯觀，成不朽之名著矣。儻不闕其素材所自出，何以見良工苦心乎？是則探頤索隱，亦好學深思之士所宜先務也。茲通覽全文，旁徵載乘，其素材之可考知者曰世本。

南蠻傳，巴郡南郡蠻條，自傳首至廩君於是乎夷城。

曰竹書紀年

東夷傳敘錄本此。

曰漢書

光武紀，隗囂傳，方術中之許楊傳，中間敘事有本於漢書王莽傳暨翟方進傳者，儒林傳敘羣經師儒授受之序，每引前書之言。

曰世祖本紀

清陳浩曰，按班固傳，固與陳宗尹敏孟異共成世祖本紀，則此紀（指後漢書光武帝紀）本固等所撰，今考三國志注載漢晉陽秋等，所引紀中語，有今書所不載者，是爲范史所更定也。

曰建武注記

馬嚴傳，永平十五年顯宗召見，嚴進對閑雅，意甚異之，有詔留仁壽闕，與校書郎杜撫班固等雜建武注記。

曰顯宗起居注

明德馬皇后紀，自撰顯宗起居注，削去兄防參醫藥事，帝請曰，黃門舅旦夕供養且一年，既無褒異，又不錄勤勞，無迺過乎？太后曰，吾不欲令後世聞先帝數親后宮之家，故不著也。惠棟曰，抱朴子前漢時有禁中起居注，荀悅申鑒最凡二十一首，其十九曰復內注記，則漢起居注應在宮中，爲女史之任也。歷代職官表曰，考後漢馬儼傳，稱永平中留仁壽闕與校書郎杜撫班固雜建武注記，則當時實以史官掌之。

又作明帝起居注，顯宗孝明帝紀「永平十四年夏四月辛巳，行幸滎陽」。考應劭風俗通曰，按明帝起居注曰，東巡泰山，到滎陽，有鳥飛鳴乘輿云云。文選注十四引漢明帝起居注亦云帝向泰山，有鳥鳴輓云云。是後書此條，本於注文也。

曰和熹鄧皇后起居注

和熹鄧皇后紀，元初五年平望侯劉毅以太后多德政，欲令早有注記，上書安帝云云。帝從之。

曰東觀漢記

四庫簡明目錄曰，是書於漢明帝時剏修，後遞有增續，至嘉平中乃成書。隋志題劉珍撰，蓋失其實，原本一百四十三卷，久已散佚，（清）姚之駟掇拾殘文，僅得八卷，殊多挂漏，今四庫全書以永樂大典所載補葺，勒爲二十四卷。別詳後篇。

曰南宮故事

鄭弘傳，弘前後所陳，有補益王政者，皆著之南宮，以爲故事。考謝書自序云，承父襲爲尚書郎，每讀高祖及光武之後將相名臣策文通訓，條在南宮，祕於省閣，爲臺郎，複道取急，因得開覽。

曰班勇西域記

西域傳序，班固記諸國風土人俗，皆已詳備前書，今撰建武以後，其事異於先者，以爲西域傳，皆安帝末班勇所記云。

曰古今注

伏湛傳，（伏無忌）又自采集古今，刪著事要，號曰伏侯注。注，其書上自黃帝，下盡漢帝，爲八卷，見行於世。

曰論衡

光武紀論本此。又孝明帝紀，永平十一年漢湖出黃金，廬江太守以獻，時麒麟白雉醴泉嘉禾，所在出焉。案此條見論衡。又楊終傳本論衡佚文篇。

曰張衡集

張衡傳，常耽好玄經，謂崔瑗曰，吾觀太玄，方知子雲妙極道數，乃與五經相擬，非徒傳記之屬，使人難論陰陽之事，漢家得天下二百歲之書也，復二百歲，殆將終乎？所以作者之數，必顯一世，常然之符也，漢四百歲，玄其興矣。注，自此以上，並衡與崔瑗書之文也。豫案據注則應間亦採自衡集也。

曰馬融集

馬融傳蓋本融之自序。惠棟後漢書補注，馬融傳（廣成）頌奏，忤鄧氏，鄧謂太后也。按鄧鸞傳云，鸞子鳳，嘗與尚書郎張龕書，屬郎中，馬融宜在臺閣，又中郎將任尚嘗遺鳳馬，後鳳懼事泄，先自首於鸞，鸞遂髡妻及鳳以謝云云。則融以請託事泄，故十年不調，不必因奏頌爲忤鄧氏也。史官因融自序而作傳，非實錄也。

曰七序

梁竦傳，顯宗後聽還本郡，竦閉門自養，以經籍爲娛，著書數篇，名曰七序，班固見而稱曰，孔子著春秋而亂臣賊子懼，梁竦作七序而竊位素餐者慙。據固言，此書豈譏刺當世得失者乎？

曰蔡邕集

光武本紀論一節，取材於蔡邕濟陽光武廟碑文，蔡邕傳及朱穆郭林宗等傳，多取資此集。